

Glai Baslerstab

2023 – Ausgabe 1
die Vereinszeitung der Glaibasler Schränz-Brieder
www.gsb1961.ch



In dieser Ausgabe:

Vorwort vo dr Obfrau	Seite 1
D'Blaggedde 2023	Seite 2
Probedaag 29.10.2022	Seite 4
GSB an dr Adväntsgass	Seite 11
30. Geburtstag Nathalie	Seite 14
Unsere jüngschte GB Läser	Seite 17
Mir gratuliere	Seite 18
Die Alte vo dr GSB sueche	Seite 19
Wir suchen für die Fasnacht 2024	Seite 20
Fasnachtsplan	Seite 21
Bummeleinladung	Seite 23
Terminkalender	Seite 24



Vorwort vo dr Obfrau

Es schmegett ändligg wieder nach de ganz normale drei scheenschte Dääg. Nach zwei Joor Zwangspause und ere abgspäggt Fasnacht freye mir is jetzt ganz fescht uff e «normali» Fasnacht mit Cortège, Wääge und Chaise. Ich hät nie dänggt, dass mir all das so fähle wurd. Dr Stärnmarsch (isch zwar im 2022 gsi) und s'Guggekonzärt uff em Seibi wird ganz sicher wieder e Highlight fyr uns alli. Ändligg wieder wie uff Wulgge laufe, uff eme Deppig voller Röppli, wo sich uff d'Stroosse gleggt het. Ich frey mi sogar uff die blöde, leere Kartonschachtle, wo me muess uff d'Syte schutte, dass me guet ka dure laufe und nid dra hängge blyibt.

Am Samschtig vor dr Fasnacht isch denn no ganz erwartigsvoll d'Waagevernissage vo unserem Wage.

Wie het mir das alles in de letschte drei Joor gfählt. Ich frey mi druff.

Dr Fasnachtsplan isch drin, deert stoot, wo me uns ka gheere und gsee an dr Fasnacht 2023.

D'Yylaadig / Aamädig fyr e Fasnachtsbummel am 19. März 2023 isch au im jetztige GB abdruggt.

Ich wunsch eych ganz viel Spass bim Duurelääse vom GB.

Caroline



Blaggedde 2023



Anhänger

Fr. 100.-

Bijou

Fr. 100.-

Gold

Fr. 50.-

Silber

Fr. 20.-

Kupfer

Fr. 10.-

«Zämme im Taggt»

Äntlig, äntlig, äntlig, äntlig
Gits – und dasch nid sälbverständlig
Wiider Fasnacht mit Emozioone
Jä und ganz ohni Reschtriggzioone
Vor allem wiider – dasch e Sääge
Mit de Chaise mit de Wääge
Alli zämme das duet zelle
Mit Piccolo un mit Tschinelle
Mit Mimösli und schliesslig dängg
Zoben au mit Schnitzelbängg
S driffts s Motto dorum au exaggt
Fir unsri Zyt «Zämme im Taggt»

S goht äntlig nimme um Symptom
Dr Taggt a git e Metronom
Symbolisch hebt en e Major
Uf dr Blaggedde vo däm Joor
Schliesslig machts denn no dr Aschyyn
Dass Ueli Waggis Harlekin
Do fascht nimme kenne warte
Bis si am vieri deerfe starte
Fir sone Wurf bruuchts en Idee
Jä gha het se dr Désiré
Felix Meyer doch firs Moole
Isch är dr Hampé denn go hoole
Wo si Handwärgg wohl verstoht
Und dorum danz gnau weiss wies goht
Präggt het sie und dasch dr Knüller
Wie allewyl unsre Mike Müller

Probedaag 29.10.2022

am 9ni am Morge im Glaibasel äne,
dr eint oder ander gsehsch no gähne

hüt soll s gsellige im Vordergrund stoh,
das hän mir uns denn au zu Härze gnoh

aber troztdäm hän mir ganz diszipliniert,
die neue Stüggli yystudiert

das het denn au scho rächt guet tönt,
und d'Salome het uns mit ere längere Mittagspause verwöhnt

d'Posuune mache sichs zum Bruuch
es git wieder Fondue, diesmol im Schluuch

d'Sunne schyynt, es isch e prächtige Daag,
mol luege wär nachem Mittag no maag

mit meh oder weniger Contenance hänge mr uns nomol dri,
gwüssi Passage sin hüt Morge irgendwie no eifacher gsi

troztdäm hän mir hüt viel glehrt (und gleert),
und dr René het uns au no miteme Bsiechli beehrt

au d'Elin isch z'friede und singt uns sogar vor,
das wird au mol e GSBlere in e paar Joor

zum Abschluss dörfe mir vor dr Gaby, Nicole, Sämi, Pätt und Nico nomol
unser Beschte gäh,
und chöne denn alli zämme no eine näh (härzligge Dangg nomol Gaby!)

und für die wo noni gnueg hän gha,
hänge mr no e Mässbummel aa

und scho isch dä tolli Daag wieder Gschicht
habe fertig, bis zum neggschte Bricht :)

Katja













GSB an dr Adväntsgass

Au im 2022 schmeisst d'GSB, zum 3. Mol d'Fasnachtsstube in dr Adväntsgass. Me het uns vom 30.11-7.12 dört chönne aträffe. Dr Däni und d'Nannette sinn ysern jede Oobe vor Ort gsy, mit dääglic wägselnde Mitglieder.

Speziell isch an dr Fasnachtsstube, dass sie vo 4 verschiedene Verein betriebe wird. Agfange het d'Spale Clique, nach uns hänn d'Claraschnogge übernoh und dr Abschluss hänn d'Rhyschnogge gmacht. In dr Mitti vom Stand wärmt e grosse Grill die kalti Luft und laadet yy zum Würscht und Spiessli grilliere.



Z'tringge gits vo Frosch über Waggis bis zum Mineral alles was s'Herz begehrt.

Am Frityg dr 2.12 hänn mir nur e kurzi Prob gemacht zum unseri Gspähni in dr Fasnachtsstube z'unterstütze. Es isch herrlich gsy, me het chönne zämme eine neh und uff eimol isch es uns yygfalle... d'Schwyzernati spiilt jo. Und so sinn einigi Handys züggt worde und mir hänn dr Match chönne luege.

D'Stimmig isch super gsy und wo's am Ändi sogar e Sieg für d'Schwyzernati geh het, isch es grad nomol besser worde. So sinn mir bis zur Schliessig in dr Adväntsgass gsy und hänn's glatt gha.

Jede Daag isch bsunders gsy und het tolli Begägnige mit sich brocht. Wo am 7.12. dr letscht Daag cho isch, het me aber doch d'Erlicherig gspürt, dass

d'Wuche verby isch und d'Fasnachtsstube em nöggste Verein übergeh werde cha. So goht e kalti, asträngendi aber au schöni Wuche z'Änd. Mir freue uns wenn's im 2023 wiider heisst: „d'GSB isch in dr Adväntsgass“.



Valentina





30. Geburtstag Nathalie

Es war etwas komisch sich zwischen Weihnachten und Neujahr auf einen Auftritt vorzubereiten. Doch es war auch schön, in dieser Weihnachtspause das eine oder andere GSB-Mitglied zu sehen.

Am 30. Dezember 2022 feierte Nathi ihren 30. Geburtstag im Lora am Bahnhof SBB. Da ich eingeladen war, lief ich schon um 19:30h durch den Bahnhof. Schnell verschaffte ich mir einen Überblick, welchen Weg wir nachher spielend gehen sollen. Irgendwie war die Vorstellung cool mit der GSB spielend durch einen Teil des Bahnhofs zu marschieren. Dass wir aber noch Bekanntschaft mit der Security machen und schliesslich ausserhalb vom Bahnhof spielen werden, wusste ich zu diesem Zeitpunkt noch nicht.



Nachdem die geladenen Gäste schon zusammen angestossen und wir auch schon das eine oder andere Stück Pizza gegessen haben, machten sich unsere Präsidentin und ich auf den Weg zum Haupteingang des Bahnhofs. Halt.. auf dem Weg

dorthin mussten wir noch einen Zwischenstopp im Blumenladen einlegen und den bestellten Blumenstrauss für das Geburtstagskind abholen.

Als wir beim Besammlungstreffpunkt eintrafen, waren schon die meisten GSB-lerInnen vor Ort. Viel zu zählen hatte ich nicht, denn wir waren insgesamt 18 Mitglieder. Schön, dass sich dieser „Haufen“ Zeit genommen hat, um Nathi ein Ständeli zu spielen.

Michel Oe kam sogar fast direkt aus den Ferien an den Auftritt. Da sieht man welche Mitglieder wo ihre Prioritäten setzen ;-)

Nach einer kurzen Info stellten wir uns in Marschformation auf und der Schlag fing an zu spielen. Wow, wie cool das im Inneren des Bahnhofs klang!

Wir liefen zum Lora und stellten uns dort in Ständel aufstellung auf. Nach kurzer Zeit kamen zwei Personen mit Leuchtweste auf uns zu. Ich habe sofort



abgepiffen und das Gespräch gesucht. Mir wurde mitgeteilt, dass wir sofort aufhören sollen zu spielen. Es sei viel zu laut und wir hätten keine Bewilligung um so einen Lärm zu veranstalten.

Nach kurzer Diskussion wurde klar, dass wir draussen direkt beim Bahnhofsingang spielen dürfen. Etwas lächerlich, aber immerhin konnten wir Nathi dann unser Ständeli auch wirklich noch geben. Ich dachte zuerst schon, dass wir überhaupt nicht mehr spielen dürfen.

Unser Schlag liess sich nicht aus der Ruhe bringen, fing ganz cool wieder mit dem Marsch an und lief langsam aus dem Bahnhof heraus zum Eingang.

Dort konnten wir dann endlich für Nathi spielen und auch sie gab bei einem Lied ihr Bestes.

Nicht nur sie und die geladenen Gäste hatten Freude an unserem Auftritt. Auch andere Gestalten näherten sich uns und tanzten zu unseren Liedern.

Nach einem sehr gelungenen Auftritt in kleiner Formation, waren alle noch eingeladen zusammen etwas zu trinken und natürlich gab es auch für alle noch ein Stück Pizza.

Es war ein gemütlicher Abend und nach zwölf Uhr verschlug es dann alle restlichen GSB-lerInnen nach Hause.

Herzlichen Dank an alle, die zu diesem tollen Auftritt beigetragen haben und natürlich auch an das Geburtstagskind für die Verpflegung!

Salome



Das isch dr Finn unsere jüngschte GB Läser



**Mir gratuliere dr Tiziana und am
Christoph zur Geburt vo dr Samira
und wünsche dr glaine Familie
alles Gueti**




D'Samira isch am 26.01.2023 am 10:32Uhr uff d'Wält ko

Du möchtisch Fasnacht mache? Liebsch Guggemuusig? Willsch am Cortège und am Stärnmarsch mitmache? Hesch aber kei Zyt zum proobe?



Mir sin dyni Leesig. Die Alte vo de Glaibasler Schränz-Brieder (www.gsb1961.ch) hän no Plätzli frei uff em Waage für d'Fasnacht 2024. Am Mäntig und am Mittwoch bisch uff em Waage und am Zyschdig laufsch mit uns am IG Gugge-Stärnmarsch. Hän mir dy Inträssi gweggt, denn mäld di bim Gaby unter 079 384 9927 oder bebbibs@bluewin.ch

**Wir suchen für die Fasnacht 2024 noch Verstärkung an
folgenden Instrumenten**



Anmeldung bei:
Caroline Rhyn
Natel: 079 547 94 22
Email: caroline.rhyn@bluewin.ch

Fasnachtsplan Glaibasler Schränz-Brieder 2023

Mäntig, 27. Februar 2023:

11:30h: Besammig Mohreloch

12.30h: Abmarsch zum Waage (Fotitermin)

13.30h: Cortège (üsseri Route)
Pause: Spiegelhof, Fächthalle, Wettstaipplatz

18.45h: Ässe im Fischerclub

21.00h: Kässelifurzer am Claraplatz

22.30h: Gärbergässli

00.00h: Gryffegass vis à vie vo dr Manor

Ca. 01.00h: Ufflöse im Mohreloch

Zyschtig, 28. Februar 2023:

13.30h: Besammig und Apéro

14.30h: Blaupause

16.00h: Kasärne bi de Quer und Chrüz Fäger

Uff d'Gass

18.00h: MUBA (Stärnmarsch)

19.45h: Ässe im Mister Wong

22.04-22.17h: Ufftritt Seibi

Mir nämme eine an dr IG-Bar

23.30h: Irgendwo Region Steine/Kohlebärg

Ca. 01.30h: Ufflöse im Mohreloch

Mittwoch, 01. März 2023:

12.00h: Besammlig Mohreloch

12.30h: Abmarsch zum Waage

13.30h: Cortège (inneri Route)

Pause: Barfi, Rhygass

18.45h: Ässe im Fischerclub

21.00h: Grotto

22.45h: Drey Keenig

00.00h: Mitternachtsmäähli

02.00h: Ständeli vor dr UBS am Claraplatz

04.00h: Ändstraich

D'GSB wunsch e scheeni Fasnacht



Yyladig
zem **GSB-Bummel**
Sunntig, 19. März 2023

Träffunggt

Sunntig, 19. März 2023, 9:30 am Morge
11er Tramhaltstell Gartestadt, Münchestei

Tenue

sportlig elegant (gepfleggti Erschyynig)

Mitnäh

Inschtrumänt

Gäld/Banggkärtli (für dr Durscht, es sin nit alli Geträngg inkl.)

Beträff ÖV: zahlt jede sälber (ab Träffunggt bruchts nur no 1 Fahrt in d Innerstadt)

Köschte

Passivi: CHF 90.-

Mitbummler: CHF 110.-

Aamäldeschluss

Frytig, 3. März 2023 bi dr Katja Gunti, 076 413 13 04, katja.gunti@gmail.com
die Aggtive sin automatisch aagmolde (aber bitte allfällig Abmäldige oder
Vegi/Unverträgligkeite au bis am 3.3. aagäh)

Mir freue uns uff e glatte Daag mit Euch!

S Bummel OK

Caroline, Danica, Katja, Michel, Rocky

Y möcht mi aamäälde:

Name:.....

Passiv:

Mitbummler:

Y bi Vegetarier:

Y ha Unverträgligkeite:

Terminkalender

GSB		Terminkalender 2023		
				
Januar 2023				
Freitag	13.01.2023	19.30 Uhr	17. Probe	*
Freitag	20.01.2023	19.30 Uhr	18. Probe	*
Samstag	21.01.2023	09.30 Uhr	Probetag / Fondueplausch	*
Freitag	27.01.2023	19.30 Uhr	19. Probe	*
Februar 2023				
Freitag	03.02.2023	19.30 Uhr	20. Probe	*
Samstag	04.02.2023	12.30 Uhr	Auftritt Narenbaumstellen Grenzach	*
Sonntag	05.02.2023	13.15 Uhr	Marschprobe Lange Erlen, Treffpunkt Eglisee	*
Freitag	10.02.2023	19.30 Uhr	21. Probe	*
Freitag	17.02.2023	19.30 Uhr	Fasnachtssitzung + eventuell kurze Probe	*
Samstag	18.02.2023	Infos folgen	Guggen-Explosion Lörrach	*
Sonntag	19.02.2023	11.30 Uhr	Umzug Lörrach, Treffpunkt Bahnhofplatz	*
Samstag	25.02.2023	14.00 Uhr	Wagenvernissage	*
Montag	27.02.2023	Infos folgen	Fasnacht	*
Dienstag	28.02.2023	Infos folgen	Fasnacht	*
Mittwoch	01.03.2023	Infos folgen	Fasnacht	*
März 2023				
Freitag	17.03.2023	19.30 Uhr	Neo-Bummelprobe	*
Sonntag	19.03.2023	Infos folgen	Bummel	*
Freitag	24.03.2023	19.30 Uhr	Läüberlisitzung	*
April 2023				
Freitag	21.04.2023	19.30 Uhr	Aktivensitzung	*
Mai 2023				
Samstag	06.05.2023	16.00 Uhr	62. Generalversammlung	*

**Wichtig: Wagenvernissage ist schon um 14Uhr
Mattenstrasse Halle 2.04 Tor 110**

**Bitte wenn möglich mit dem ÖV anreisen, es gibt keine
Parkplätze, nur blaue Zone ausserhalb der
Fasnachtshalle.**

Der Vorstand der GSB



Präsidentin

Caroline Rhyn

Natel: 079 547 94 22

Email: caroline.rhyn@bluewin.ch

Vize-Präsident

Christoph Morath

Natel: 078 953 22 88

Email: mochristoph@bluewin.ch

Sekretär

Michel Wellig

Natel: 079 430 91 49

Email: michel.wellig@bluewin.ch

Kassiererin

Nathalie Leuenberger

Natel: 079 957 62 27

Email: n.leuenberger92@gmail.com

Materialverwalterin

Michele Rauser

Natel: 078 420 79 77

Email: michelerauser@bluewin.ch

Aktiv & Passiv-Betreuerin

Gaby von Aesch

Natel: 079 384 99 27

Email: bebbibs@bluewin.ch

Musikchefin

Salome Rhyn

Natel: 079 262 28 97

Email: salome.rhyn@bluewin.ch

Redaktion Glaibaslerstab

Gaby von Aesch

Natel: 079 384 99 27

Email: bebbibs@bluewin.ch

